

*Storianan Di Un Mucha Di Lagoen di Playa***Capitulo 4 - Openbare Werken – Prome Lagoenero di Nacimiento***Skirbi pa Clyde Harms*

mapa tabata intriga mi, ora cu mi mester a pasa ey banda mi tabata pasa hopi cerca pa mi por mira e mapanan. Hunto cu e pintadonan Hulandes tabatin un di Corsow cu tabata hopi cariñoso y tabata combersa cu mi y splica mi hopi cos. Asina mi a conoce señor Petronia cu despues a bira un gran politico den PPA y estadista Arubiano Antiyano. Otro pintadonan cu mi a conoce e tempo tabata

Entrada Centrale Accountantsdienst caminda e prome oficina di Openbare Werken tabata ubica. Aki e prome “Lagoenero di nacimiento” a funciona te 1939.

Mr. Hille y Mr. Schuit. E ultimo aki a casa cu mucha muhe Arubiano, Dora Croes di Playa.

Beyderwellen (1939-1944) a haya hopi critica despues cu un brug cu Openbare Werken a caba di traha a basha den otro cu un yobida pisa. “Koosje heeft een brug gebouwd” a bira un lema cu pueblo tabata usa cu sarcasmo. Na aña 1944 Lijkele de Hoop, un Fries raja, a reemplaza Beiderwellen. Tine de Hoop, e yiu mayo, tabata toca piano masha bunita. Como na su cas no tabatin piano e tabata bin nos cas pa practica y cu hopi frecuencia toca pa deleita nos famia.

Ora cu de Hoop a laga DOW na 1949, Johannes Hille, un tempo pintado di mapa, a dirigi DOW temporalmente te dia cu Adriaan van den Berg a wordo nombra. Un poco tempo despues

DOW a nace na Lagoen! El a ocupa dos edificio te cu el a muda pa su edificio na Paardenbaai weg for di unda el a muda recientemente pa Sabana Blanco. Temp’i nos tempo e tabata Openbare Werken. E “Dienst” a bin hopi aña despues. Pa nos, muchanan di Lagoen, Openbare Werken ta parti integral di nos storianan. Pa facilidad, den e relato aki DOW of Openbare Werken lo wordo usa.

Tempo Gezaghebber Wagemaker a dicidi di haci tanto construccion di cas, dam, waf, caya y carretera na Aruba, el a realiza cu e actividadnan aki tabata rekeri un persona cu experiencia. Di Corsow el a haya un ingeniero cu e nomber impresionante di Keimke Klaas van der Heide. Un di su prome trabounan tabata pa construi un edificio cu mester a sirbi como cas p’e mes y pa hefe di loodsdiens cu tambe Wagemaker a laga busca. E espacio entre e dos casnan na prome piso, grandura di e actual sala di conferencia di DOW, a bira oficina di van der Heide y dos empleado mas: un pintado di mapa y un klerk. Patras tabatin un porta cu tabata habri practicamente den garage y shopnan di



welding y carpinteria, etc. di Openbare Werken. Casi increibel cu apesar di tur e actividadnan di DOW cu tabata crece tur aña, van der Heide a keda cu e mes oficina te na 1939. E aña ey, e edificio na skina di Zoutmanstraat y Lagoenweg a keda cla. E mes un aña, Keimke Klaas van der Heide, e tata di DOW, a bandona Aruba y a wordo reemplaza pa Jacobus Beyderwellen. Den e oficina nobo, e pintadonan di mapa tabata traha na nan mesa grandi special pa e ofishi aki, net banda di e bentananan grandi habri banda pariba, na Zoutmanstraat. No tabatin airco ainda! Como trabou di pintamento di

Tras di e bentananan habri na banda drechi tabata traha como pintado di mapa meneernan Hille, Schuit y Petronia. Na skina tabata sinta e director Jacobus Bijderwellen. Otronan cu a dirigi DOW te cu nan a muda pa Paardenbaai tabata Lijkele de Hoop, Johannes Hille y Adriaan van de Berg.



Aunke cu Openbare Werken a aumenta su actividadnan masha hopi desde su inicio na 1930, meneer van der Heide a keda den e oficina te dia cu el a laga su posicion como director.

Continuacion di B/20

Openbare Werken a muda pa Paardenbaaistraat. Segun e historiado Johan Hartog, dia 1 di September 1951 DOW a bira e prome Departamento cu a wordo traspasa pa nos gobierno insular.

Un di e funcionnan di Openbare Werken tabata traha y asfalta caminda. Nan tabata usa presonan pa coba y basha e fundeshi di caminda y nan tabata usa un stoomwals cu Wagemaker a cumpra na 1930. No tabatin e ekiponan sofisticada cu tin awo pa basha asfalt, pero Kemmink, encarga cu e trabou aki, tabata depende riba dos homber campeon pa spuit asfalt cayente. Un di nan tabata un Portugues cu a bin cu e grupo grandi di Madeira. Mi no ta corda su nomber, pero mi sa cu e tin descendiente na nos isla. E otro tabata Angel Acosta di Estado Falcon, Venezuela. Manera tur e Venezolanonan na Aruba e tempo ey, Sr. Acosta tabata un fanatico di baseball y tur Diadomingo e tabata anima e weganan “transmitiendo” hugada pa hugada, usando un megafono cu e mes tabata traha di afiche di carton. Sr. Acosta a casa cu Arubiano, un tanta di Milo Croes (di SAC y Little League), y nan yiu muhe Theresita a casa cu e conocido politico Arubiano Chibi Croes.

Otro responsabilidad di Openbare Werken tabata recogemento di sushi di cas y di negoshinan. Nan sí tabata puntual! Sin falta, tur dialuna mainta cinco minuut pasa di shete e truck di sushi tabata dilanti nos cas. E tempo ey e barinan di sushi tabata den cura, y e trahado tabata drenta coy e bari, hibe afo, basha e sushi den truck y debilbe e bari. Na decada 1940 Openbare Werken a haya un truck pa chupa pos. Meneer Kemmink, tin bes un homber hopi comico, tabata bisa na chansa “Pa solamente 25 florin mi ta chupa k...” E hendenan tabata hari y e expresion a bira masha conoci.

Na final di dia e trucknan y autonon di trabou tabata wordo warda den garage den cura di Openbare Werken. Despues cu tur e trahadonan a bay cas algun di nos tabata

gusta drenta keto keto den e cura y mira cua vehiculo nos por start. Awendia, pa start un auto bo ta djis bira e yabi. E autonon di e tempo ey tabatin un conopi apart cu bo mester primi pa start e motor, pero sin yabi e motor tabata sacudi pero e auto no ta bay ningun caminda. Pa nos e sacudimento tabata un “kick” pa cual nos tabata risca haya problema cu autoridadnan y sota di nos mayornan. Un dia e motor di un truck a sacudi asina tanto cu e truck a rasca e auto cu tabata pega riba dje. E siguiente mainta nos por a tende Meneer Kemmink hopi rabia ta grita y zundra. El a bin cas pa denuncia nos cerca mama, pero nos a nenga tur culpabilidad.

Patras di e prison di Fort Zoutman e cura di Openbare Werken tabata habri y eynan tabatin diferente tipo di trucknan bieu cu no tabata wordo usa mas. Un atardi nos tabata hunga den un truck te cu a bira scur. Diripiente nos a tende un stem di hende homber ta grita manera un alma perdi. Pensando cu ta stem di spirito, nos a spanta asina tanto cu nos a core bula e porta grandi di dos meter halto y sigui core sin wak patras. Un poco dia despues nos a bin haya sa cu tabata un prisionero den su cel cu a grita spanta nos.

Na 1950 DOW a muda pa nan oficinanan grandi na Paardenbaai y esaki a trece na su fin e storia di e prome Lagoenero di nacimiento. E edificio mes a alberga hopi otro funcion di gobierno den e añanan despues, por ehempel, Biblioteca Nacional cu pasamento di pelicula pa mucha den aire liber, Tabuleerdienst caminda mi amigo y ex colega di Lago, Dodo Figaroa d.f.m., tata di e actual director di DOW, Jossy Figaroa, tambe a traha pa algun tempo prome cu el a bira diputado den gobierno di Aruba, Servicio informativo, etc. pero eseynan lo mester keda pa otro storia.

Despues di pasa casi 60 aña den e oficina na Paardenbaaistraat, DOW awo ta ubica den e edificio precioso di Infraestructura na Sabana Blanco.



Sala di pintamento di mapa tempo di Openbare Werken a bira Sala di lesa na 1950 cu Biblioteca Nacional a drenta e edificio. Lesando na robes ta Sra Goslinga, casa di e loods di playa, scondi su tras ta mi mama Catherine Harms y para cu su siga di semper, meneer Kemmink, hefe di operacionnan di DOW. Na man drechi ta sinta nos bisiña Sra Irma Eman, y banda di dje sra. Van den Berg. E persona sinta patras no por a wordo identifica.



Meneer de Hoop, director di DOW 1944-49, tabata un Fries raja y semper a hisa su Friesche Vlag dnanan di fiesta. Meneer Noot tabata un Hulandes tradicional cu tabata his su bandera tricolor cu orguyo. Mi tata Mario Harms a keda fiel na e pais unda el a biba hopi aña y el a asumi su nacionalidad.

